

ՄԱՐՏԻՐՈՍ ՎՐԴ.—Մբ. Փոխանորդ 1788 ին. ապա նաև ՊԿ. Յովհաննէս Պաղտատցիին փոխանորդ:

ՄԱՐՏԻՐՈՍ ՎՐԴ.—Մբ. 1393 ին Լս. Ս. Փրկչի վանքին:

ՄԱՐՏԻՐՈՍ ՎՐԴ.—Մբ. 1575 ին Սօղան գեղացի (Խլաթ), Կարապետին ընդօրինակել կուտայ Գանձ զիրք խորագրով ձեռագիր մը ի յիշատակ Ս. Յակոբի վանքին:

ՄԱՐՏԻՐՈՍ ՎՐԴ. ՎԱՆԵՑԻ.—Մբ. և վանահայր վարագայ վանքին, Արանու մականուամբ. Բաղիչեցի նշանաւոր Բարսեղ վրդ. ին հետ 1608 ին կ'այցելէ Ս. Յակոբի վանքը, զիգուած պարտուց վճարման կարգադրութիւն ընելու համար. իր մասին գովեստով կը խօսի Գարանաղցի իր ժառանկագրութեան մէջ (էջ 324—25), և կը յարէ թէ «. . Մարտիրոս անտի և Բարսեղն աստից քարոզիւ և դասիւ ի վերայ սուրբ Երուսաղիմայ կողկողազին պաղատանօք, լայով և մեծաւ ողբով ծանուցին զվտանգեալ թշուառութիւնն Երուսաղիմայ սուրբ և առաքելաչէն Աթոռոյն Ս. Յակոբայ վանացն մեր և այլ գերահուշակ սուրբ տնօրինական տեղեաց մասին մերոյ. որ հոռոմն և Ֆրանզն կու սպասեն առնուլ և ինքեանց գրաւել վասն կարի առաւել վերջին աղքատութեան և տկարութեան: Եւ այսպիսի մեծակական ողբով կակղայուցին, շնորհօքն Գր. ի հաւանութիւն ածին. որ կարսպե տնու խօճայ մի եօրն բեռն սսակ եր տուել, եւ այլ՝ երկու եւ այլ՝ մի մի բեռ եւ այլն՝ ըստ կարեաց»: Մարտիրոս վրդ. «բազում գանձս ոսկեոյ և արծաթոյ» կը հաւաքէ և Բարսեղ վրդ. ն ալ Տիարպէքիւր, Եդեսիա եւ Հալէպ գտնուող Վանցի, Զուղայեցի եւ այլ իշխաններէն նուէրներ ժողովելով ուրախութեամբ կը հասնին Ս. Յակոբի վանքը. ուր երկու վարդապետներու և ընկերակից նուիրատուներուն համար Միաբանութիւնը կը կատարէ ջերմագին ընդունելութիւն մը, պարտքերը կը վճարուին և նորոգութիւններ տեղի կ'ունենան Ս. Յակոբի վանքին և Ս. Յարութեան տաճարին մէջ (սևն). էջ 326-27):

Մարտիրոս վրդ. Վանեցին՝ երկրորդ անգամ ըլլալով ՌԿԹ (=1620) թուին այցելած է Ս. Յակոբի վանքը և Գրիգոր պտրք. Պարոնտէրի հետ կնքած եւ ստորագրած է Ս. Տեղեաց ինդիրներու նկատմամբ լատիներու հետ գոյացած համաձայնութեան դաշինքին տակ: Նոյն դաշինքին լուսանկարը կը գտնուի պատ-